

FONGTIL (Forum ONG Timor-Leste)

Vizaun Jerál kona-ba Organizaun no Aprosimasaun kona-ba Jéneru no Programa nia Atividade sira

FONGTIL (Forum ONG Timor-Leste) ne'e órgaun sumbrina ida aas liu iha Timor-Leste ba ONG sira. FONGTIL kalkula katak iha liu ONG 500 (internasionál no nasionál) maka hala'o servisu iha Timor-Leste, no ne'ebé oras ne'e iha ONG 342 (atus ida haat nulu resin rua) mak oras-ne'e hanesan membru FONGTIL nian. Atu sai membru FONGTIL nian, organizaun ida tenke rejistu legal nu'udar ONG ida ne'ebé ativu no tenke hetan aprovasaun husi FONGTIL hanesan organizaun ativu.

Organizaun foun lubun ida maka mosu durante mudansa sira iha sosiedade Timor-Leste ninian iha dekada 90 no organizaun sira-ne'e haree katak sira presiza órgaun sumbrina ida atu bele fó assisténsia ba sira-nia atividade ninia desenvolvimentu no koordenasaun. FONGTIL harii iha 1998 husi iniciativa kolaborativa entre Yayasan HAK no Biahula.

Mudansa ne'ebé sosiedade sivil iha Timor-Leste hetan durante dekade 1990 haree katak iha organizaun foun barak mak mosu no organizaun sira-ne'e identifika katak sira presiza órgaun sumbrina ida atu bele fó assisténsia ba sira-nia atividade ninia desenvolvimentu no koordenasaun. FONGTIL harii iha tinan 1998 husi iniciativa kolaborativa entre fundasaun HAK no Biahula.

FONGTIL hahú harii ho membru organizaun 14, FONGTIL nia funsaun halekar lalais tebes durante períodu independénsia nian. Oras-ne'e nia iha membru na'in 30 no membru board na'in haat. FONGTIL nia vizaun agora-ne'e mak tau matan ba ONG sira hanesan parte integrante iha demokrasia ida ne'ebé saudável no operasionál, hanesan organizaun sosiedade sivil ne'ebé bele halo ligasaun ida entre povu no instituisaun governu nian, liuhusi promosaun no kolaborasaun. FONGTIL buka mós atu fó apoiu ba servisu sira ne'ebé ONG sira hatu'o, tanba instituisaun governu ladauk oferese serbisu save ba área jeográfika barak no ba populaun sira iha Timor-Leste laran.

FONGTIL nia atividade balun-boot mak fasilita treinamentu kona-ba koñesimentu oin-oin, monitorizaun no avaliaun, no assisténsia téknika ba membru ONG sira. FONGTIL iha preokupasaun katak, ONG sira-nia atividade barak mak konsentra iha Dili, iha nesesidade ida atu foka atividade ba comunidade rural sira no area sira ne'ebé dook husi sidade. Atu fó assisténsia ba prosesu ne'e, FONGTIL tau Funsionáriu Ligasaun Distritu ida iha distritu ida-idak.

Iha área promosaun ninian, FONGTIL harii ona Grupu Traballu haat ho representante husi ONG oin-oin. Atividade ne'ebe ONG sira-ne'e harii mak grupu kampañe unidade nasional, grupu protesau ba direitu labarik, grupu monitorizaun ba ajudus humanitarian husi ajenzia internasional, lokal no governu no grupu dialogu comunidade ba paz no estabilidade. Dadaun ne'e FONGTIL nia atividade inklui koordenasaun kona-ba kampaña edukasaun sívika ne'ebé foka liu ba eleisaun tinan 2007. FONGTIL hala'o mós levantamentu ba ONG sira nia estatutu no kondisaun iha Timor-Leste, liuhusi nia dadus rejistu, monitorizaun, avaliaun no atividade peskiza ninian.

FONGTIL nia doadores mak Office of Coordination for Humanitarian Aid (OCHA), Oxfam Australia, CAFOD, Caritas New Zealand, Irish Aid, Concern Worldwide, KAS German, Trocaire no SEACA.

Molok, FONGTIL la fó atensaun ba jéneru. Maibé, iha faze dezvoltimentu (habelar) programa ka atividade ba tinan 2007, organizasaun ne'e hahú fó atensaun ba area jéneru. FONGTIL fó liu atensaun ba apoiu ba ekuidade balansu jéneru ninian iha organizasaun sira nia laran, liuhusi balansu membru jéneru no fó motivasaun enkoraja fetu nia partisipasaun no lideransa iha aspetu hotu-hotu iha servisu ONG sira nian.

Nu'udar ezemplu, FONGTIL nota hetan katak ONG sira, liu-liu ONG sira ne'ebé iha distritu i, dala barak ladun haruka representante fetu sira ba treinamentu sira ne'ebé mak FONGTIL fasilita, esetu bainhira treinu sira-ne'e halo formasaun kona-ba administrasaun no finansas.

Atu kombate maneira ida ne'e (representasaun ki'ik husi fetu sira), FONGTIL fó preferénsia ba organizasaun sira ne'ebé nomia fetu atu ba participa iha treinamentu ne'e. Ho ida-ne'e FONGTIL haree katak importánsia ne'ebé nia fó ba jéneru iha diferensa signifíkante husi Rede Fetu ninian, rede ida ne'ebé harii ba organizaun fetu sira. Bainhira Rede Fetu konsentra ba kapasitasaun ONG sira ne'ebé fó atensaun signifíkante ba jéneru iha sira-nia misaun no programa, FONGTIL hakarak fó motivasaun ba ekuidade jéneru iha estrutura organizasaun ONG sira nian, la haree ba sira nia prioridade sira.

Kontaktu

Tel: (670) 733 0120
Email: info@fongtil.info
Address: Estrada de Caicoli, Caicoli, Dili

Husi: Trembath, Anna no Damian Grenfell, Mapa ba Lala'ok Buka Igualdade Jéneru: Atividade Ajénsia La Governamentál no Internasionál nian iha Timor-Leste, Globalism Institute, RMIT University, Dili, July 2007, ISBN 978-0-646-47770-1, pp. 41-42.